



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 56. Modus a Pontifice stabilitus circa fori Ecclesiastici caussas in Siciliae Regno cognoscendas.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

„lem, & individuum expressionem re- Sæc. XVIII.
 „quirentis, existant, harum serie in- A. C. 1714.
 „terdicentes, ne aliquid unquam, quod
 „extinctioni, suppressioni, abolitioni,
 „aliisque præmissis directe, vel indi-
 „recte, seu alias quomodolibet adver-
 „setur, facere, moliri, seu attentare
 „quoquo modo audeant, vel præsu-
 „mant, sub pœna excommunicationis
 „latæ sententiæ, per contrafacientes
 „absque alia declaratione ipso facto
 „incurrenda, a qua nemo a quoquam,
 „præterquam a Nobis, seu Romano
 „Pontifice pro tempore existente, nisi
 „in mortis articulo constitutus, absolvi
 „possit. „

Huic Constitutioni triginta duo
 Cardinales unacum Cardinale Josepho
 Prodatario subscripti legebantur.

§. LVI.

*Modus a Pontifice stabilitus circa fori
 Ecclesiastici causas in Sicilia
 Regno cognoscendas.*

Quoniam vero Pontifex hujus tribu- Bull. 1. c.
 nalis abrogatione causas Siculas pag. 152.
 ad Curie Romanæ tribunalia evocare,
 nequaquam intenderet, hinc habita
 matura deliberatione unice ad præca-
 vendas gravissimas hæc offensiones,
 & Ecclesiæ ac Pontificis honorem

Sæc. XVIII. vindicandum normam præscripsit, juxta
A. C. 1714. quam deinceps in Siciliae Regno causæ
 ad forum Ecclesiasticum spectantes sine litigantium dispendio in ipsomet
 Regno rite cognosci possent: Hujus
 autem formæ articuli erant sequentes:

I. „Causæ omnes ad forum Eccle-
 „siasticum, quomodolibet pertinentes,
 „cujuscunque sint generis, in pri-
 „ma instantia coram Ordinariis loco-
 „rum duntaxat cognoscantur, nec ab
 „eorum Tribunali avocari possint, nisi
 „titulo tantum appellationis a sententia
 „definitiva, aut ab interlocutoria de-
 „finitivæ vim habente, cujus grava-
 „men per Appellationem a definitiva
 „reparari nequeat, nisi vel integro
 „biennio a die motæ litis computando
 „coram ipsis Ordinariis pependerint
 „indecisæ, quemadmodum Tridentini
 „Concilii Decreto in Cap. causæ omnes
 „Sess. XXIV. de reformat. salubriter
 „cautum est, quod si secus fiat, quæ-
 „vis Appellatio, inhibitio, aut senten-
 „tia ad ejusdem Concilii præscriptum eo
 „ipso irrita sit, ac nullius prorsus ro-
 „boris vel momenti..

II. „A sententia Ordinarii ad Me-
 „tropolitanum, vel ad alium Episco-
 „pum Metropolitanæ loci a Nobis sub-
 „rogatum, juxta ordinem inferius præ-
 „scribendum, appelletur, servata in
 „om-

„omnibus forma, quæ a supradicto Sæc. XVIII.
 „Concilio sancitur.„ A. C. 1714.

III. „Ubi vero Metropolitanus vel
 „Episcopus Metropolitani loco, ut præ-
 „fertur, subrogatus, in causa pronun-
 „tiaverit, partibus, vel earum alteri
 „liberum sit ab illius sententia ad Apo-
 „stolicum Delegatum provocare, ser-
 „vato Ordine, de quo infra, ac ipsius
 „Concilii præscripto.„

IV. „Quicumque a sententia, vel
 „decreto Apostolici Delegati gravatum
 „se senserit, ad Nos, seu Romanum
 „Pontificem pro tempore existentem
 „poterit appellare, a quo causæ co-
 „gnitio judici Ecclesiastico in partibus
 „Siciliæ committatur per literas Apo-
 „stolicas necessariis, & opportunis
 „clausulis, prout juris fuerit, munien-
 „das, ac ea potissimum, quod si par-
 „tes in ullum non consenserint, alium
 „ipse deputare valeat iisdem partibus
 „non suspectum.„

V. „In causis beneficialibus valo-
 „rem viginti quatuor ducatorum auri
 „de Camera, necnon in profanis sum-
 „mam quinquaginta ducatorum simi-
 „lium non excedentibus, pars, quæ a
 „Judicio Delegati Apostolici gravamen
 „illatum sibi fuisse conquereretur, ut
 „Appellationis remedio consulere sibi
 „possit, adibit tres iudices synodales
 „anti-

Sæc. XVIII „antiquiores Diæcesis ejusdem Delegati,
 A.C. 1714 „qui tanquam arbitri, an appellatio
 „rejici, vel admitti debeat, & quibus
 „clausulis caussa sit committenda, præ-
 „vio diligenti examine dispicient, quod
 „si caussam committendam esse censue-
 „rint, ipsi, tanquam Apostolici Dele-
 „gati, judicem deputabunt partibus
 „non suspectum, hunc autem in finem
 „prædictis judicibus synodalibus quas-
 „cunque facultates necessarias, ac op-
 „portunas, | concedimus, & impeti-
 „mur. „

VI. „Porro in caussis, in quibus
 „conservatores Regularium Decretum,
 „vel sententiam tulerint, qui se ab il-
 „lis gravatum existimaverit, recurrere
 „similiter poterit ad tres antiquiores
 „judices synodales illius Diæcesis, ubi
 „judicium latum est: qui quidem ju-
 „dices, tanquam arbitri, cognitio ut-
 „riusque partis juribus, statuent, an
 „appellatio rejici, vel admitti, & qui-
 „bus clausulis caussa committi debeat,
 „quod si caussam committendam esse
 „duxerint, tanquam Apostolici Dele-
 „gati, judicem deputabunt partibus
 „non suspectum cum omnibus faculta-
 „tibus necessariis & opportunis. Ce-
 „terum qui a sententia, aut decreto
 „hujus secundi Judicis gravatum se
 „senserit, adibit tres antiquiores Judi-
 „ces

„ces Synodoles Metropolitanæ Diæ-
 „cesis, vel illius, quæ Metropolitanæ
 „locum obtinebit in ordine inferiori
 „præscribendo, qui sane Judices alium
 „deputabunt judicem ea prorsus ra-
 „tione, quæ supra quoad modum ap-
 „pellandi judicia Conservatorum præ-
 „scripta fuit. Omnibus autem præ-
 „dictis judicibus synodalibus tam Me-
 „tropolitanæ, quam alterius Diæcesis,
 „quascumque Facultates ad præmissio-
 „rum effectum necessarias, & oppor-
 „tunas concedimus & impertimur.,

Sæc. XVIII.
 A. C. 1714.

VII. „In criminalibus causis Regu-
 „larium, quando hi deliquerint intra
 „claustra, Tridentini Concilii, & pe-
 „culiarium illius ordinis, quem quili-
 „bet delinquens professus fuerit, con-
 „stitutionum dispositio exacte servetur.
 „Quod si delinquant extra claustra,
 „vel extra Monasterium degant, ab
 „Episcopis juxta ejusdem Tridentini
 „Concilii, & Apostolicarum Constitu-
 „tionum præscriptum judicentur, ac
 „puniantur. Qui vero Episcopi judi-
 „cio acquiescere detrectaverit, provocare
 „poterit ad tres antiquiores judices sy-
 „nodales Diæcesis illiusmet Episcopi,
 „a quo judicatus fuit, qui plane judi-
 „ces, tanquam arbitri, an appellatio
 „admittenda, vel rejicienda sit, & quo-
 „modo causam committi oporteat,
 „præ-

Sæc. XVIII. „prævio maturo examine decernent.
 A.C. 1714. „Ubi vero eam committendam esse sta-
 „tuerint, judicem deputabunt partibus
 „non suspectum cum omnibus Faculta-
 „tibus necessariis & opportunis, quod
 „si quis ab hujus secundi Judicis sen-
 „tentia, vel Decreto, se gravatum pu-
 „taverit, recurret ad tres Judices sy-
 „nodales antiquiores Metropolitanæ
 „Diæcesis, vel illius, quæ Metropoli-
 „tanæ loco in ordine, de quo infra,
 „subrogabitur. Hi autem Judices
 „lium deputabunt judicem, ea prorsus
 „servata ratione, quæ supra quoad mo-
 „dum appellandi a judicio Episcopi san-
 „cita fuit. Omnibus pariter ante dictis
 „judicibus synodalibus tam Metropoli-
 „tanæ, quam alterius Diæcesis, quas-
 „cunque Facultates ad præmissorum
 „effectum quomodolibet necessarias &
 „opportunas concedimus, ac imperi-
 „mur. „

VIII. „Caveant tamen Ordinarii
 „locorum, ne causis, quæ Majores
 „nuncupantur, quæque apud Sedem
 „Apostolicam tractari debent, sive in
 „prima, sive etiam in alia ulteriori in-
 „stantia, ullo pacto sese ingerant, aut
 „imisceant: sed illæ juxta memorati
 „Tridentini Concilii, sacrorum Ca-
 „nonum & Apostolicarum Constitutio-
 „tum præscriptum, in Romana tan-
 „tum

„tum Curia, vel a iudicibus, quos Sæc. XVIII.
 „Romanus Pontifex, pro tempore exi- A. C. 1714.
 „stens, specialiter deputaverit, cogno-
 „scantur.„

IX. „Nulli præterea ex supradictis
 „five primæ, five secundæ, five etiam
 „tertix instantix iudicibus, nec cui-
 „quam alteri Ecclesiastico iudici, cu-
 „juscunque gradus, & conditionis exi-
 „stat, tametsi Legati a Latere dignitate
 „insignitus reperiatur, ullo unquam
 „tempore liceat quempiam absolvere,
 „etiam cum reincidentia, & ad effectum
 „agendi tantum, a censuris Ecclesia-
 „sticis per literas die cænæ Domini sin-
 „gulis annis legi, & promulgari soli-
 „tas, five alias Apostolicas constitu-
 „tiones inflittis, quarum absolutio soli
 „Romano Pontifici reservatur, caveant-
 „que omnes antedicti, ne postquam
 „eædem censuræ ab ipsis declaratæ, &
 „promulgatæ fuerint, ullo modo sese
 „ingerant, aut immisceant cognitioni,
 „an illæ, earumve declaratorix vali-
 „dæ, aut nullæ, justæ, aut injustæ
 „sint; cum ejusmodi cognitionem Ro-
 „mano duntaxat Pontifici pro tempore
 „existenti, & Congregationi ejusdem
 „S. R. E. Cardinalium Immunitati Ec-
 „clesiasticæ, & controversiis jurisdic-
 „tionalibus præpositæ ad id ab Apostolica
 „Sede specialiter deputatæ, privative
 „quo-

Sæc. XVIII. „quoad omnes alios competere satis
 A. C. 1714. „constet. „

X. „Attento nihilominus ingenti
 „eorum numero, quos isthinc, præfer-
 „tim ob notam Ecclesiastici Interdicti,
 „cui civitates, ac Diæceses Catanien-
 „sis & Agrigentina jussu nostro subjectæ
 „fuerunt, violationem in ejusmodi
 „censuras Nobis reservatas misere in-
 „cidisse novimus, ut æternæ eorum sa-
 „luti paterna charitate consulamus, sa-
 „cultatem eos, qui non respuerint, ac
 „humiliter id flagitaverint, absolvendi,
 „ad certum tempus duraturam, istius
 „Regni Episcopis impertiri non detre-
 „ctabimus, quo facilius atque commo-
 „dius iisdem censuris innodati sacra-
 „mentis Ecclesiæ, & communioni fi-
 „delium restitui possint. „

XI. „Causæ demum omnes, de
 „quibus supra actum est, coram Archi-
 „episcopis, Episcopis aliisque locorum
 „ordinariis eo, qui inferius præscribi-
 „tur, ordine imposterum tractandæ
 „erunt. „

XII. „Prima Instantia juxta Tri-
 „dentini Concilii dispositionem, ad Or-
 „dinarium loci pertineat: ab Ordinario
 „autem appellare liceat, & causæ in
 „ulterioribus instantiis cognoscantur
 „ut infra. „

XIII.

XIII. „Ab Archiepiscopo Panormi-
tano appelletur ad Episcopum Ce-
phaludensem, cujus sit secunda instan-
tia; ab Episcopo Cephaludensi ad Epi-
scopum Catanensem provocetur, ad
quem, ut Delegatum Apostolicum,
spectet tertia instantia. „

Sæc. XVIII.
A. C. 1714.

XIV. Ab Archiepiscopo Montis Re-
galis appelletur ad Episcopum Pa-
ctensem & ab hoc ad Episcopum Ma-
zariensem ut Delegatum Apostolicum. „

XV. „Ab Archiepiscopo Messanensi
appelletur ad Episcopum Syracusa-
num, & ab hoc ad Episcopum Cata-
nensem ut Delegatum Apostolicum. „

XVI. „Ab Episcopo Catanensi ap-
pelletur ad Archiepiscopum Montis
Regalis ut Metropolitanum, & ab eo
ad Episcopum Agrigentinum, ut De-
legatum Apostolicum. „

XVII. „Ab Episcopo Syracusano
appelletur ad Archiepiscopum Montis
Regalis, & ab eo ad Episcopum Mas-
sariensem ut Delegatum Apostolicum. „

XVIII. „Ab Episcopo Agrigentino
appelletur ad Archiepiscopum Panor-
mitanum, ut Metropolitanum, & ab
eo ad Episcopum Syracusanum ut De-
legatum Apostolicum. „

XIX. „Ab Episcopo Massariensi ap-
pelletur ad Archiepiscopum Panormi-
tanum ut Metropolitanum, & ab eo
ad

Hist. Eccles. Tom. LXVIII. A a a „ad

Sæc. XVIII. „ad Archiepiscopum Messanensem ut
 A. C. 1714. „Delegatum Apostolicum. „

XX. „Ab Episcopo Cephaludenfi
 „appelletur ad Archiepiscopum Messa-
 „nensem ut Metropolitanum, & ab eo
 „ad Episcopum Agrigentinum ut Dele-
 „gatum Apostolicum. „

XXI. „Ab Episcopo Pactensi appel-
 „letur ad Archiepiscopum Messanensem
 „ut Metropolitanum, & ab eo ad Ar-
 „chiepiscopum Panormitanum ut De-
 „legatum Apostolicum. „

XXII. „Ab Archimandrita Messa-
 „nensi, qui Jurisdictionem quasi Epi-
 „scopalem in nonnullis Oppidis, seu
 „Locis Nullius Diœcesis Provinciæ Mes-
 „sanensis exercere asseritur, appelletur
 „ad Episcopum Catanensem, quem
 „loco Archiepiscopi Messanensis Metro-
 „politani subrogavimus, attentis plu-
 „ribus litibus, quæ, ut etiam asseritur,
 „inter eosdem Archiepiscopum, &
 „Archimandritam pendent indecisæ.
 „A dicto autem Episcopo Catanensi
 „ad Archiepiscopum Panormitanum,
 „ut Delegatum Apostolicum. „

XXIII. „Ab Abbate demum sanctæ
 „Luciæ, qui similiter Jurisdictionem
 „quasi Episcopalem in uno, seu pluri-
 „bus oppidis, vel Locis nullius Diœce-
 „sis, Provinciæ Messanensis exercere
 „asseritur, appelletur ad Archiepisco-
 „pum

„pum Messanensem, ut Metropolita- Sæc. XVIII.
 „num, & ab eo ad Archiepiscopum A. C. 1714.
 „Montis Regalis, ut Delegatum Apo-
 „stolicum.”

XXIV. „Per præmissa tamen non in-
 „tendimus dictorum Archimandritæ
 „Messanensis, & Abbatis sanctæ Lu-
 „ciæ assertam Jurisdictionem quasi Epi-
 „scopalem ullatenus approbare, aut
 „quidquam eis, seu eorum alteri in
 „quorumvis aliorum præjudicium novi
 „juris tribuere.”

XXV. „Ceterum omnibus, & sin-
 „gulis Archiepiscopis & Episcopis Su-
 „pradictis tam pro secunda loco Me-
 „tropolitanorum subrogatis, quam pro
 „tertia respective instantiis, sicut præ-
 „mittitur, delegatis, ut omnes & sin-
 „gulas causas ad eorum judicium de-
 „cætero, ut supra deferendas cogno-
 „scere, ac legitime definire possint, &
 „valeant, quascunque Facultates ad
 „id quomodolibet necessarias & oppor-
 „tunas amplissime tribuimus ac elar-
 „gimur.”

His ita sancitis summus Pontifex
 Tribunalium Ecclesiasticorum Regni
 Siciliae Tabulam juxta modum in præ-
 fatis literis Apostolicis præscriptam
 adjunxit, quæ in ipso Bullario ma-
 gno Clementis XI. Papæ Const. 77.
 pag. 154. continetur.

Aaa 2

§. LVII.